

国朝耆献类征初编

國朝耆獻類征初編

國朝耆獻類徵初編卷首之三

通奉大夫前署江西巡撫江西布政使司布政使

臣

李桓恭錄

欽定宗室王公功績表傳卷三

傳一

親王

和碩禮親王代善傳

代善

太祖高皇帝第二子初封貝勒歲丁未正月與兄褚英隨

太祖弟貝勒舒爾哈齊往徙東海瓦爾喀部斐悠城新附人戶軍
夜行大纛上有光舒爾哈齊疑非吉兆欲旋師代善褚英持不可
遂進收屯寨大敗烏拉兵萬眾於路代善追及其統兵貝勒博克

多縱馬左手攫其胄而斬之

太祖嘉代善奮勇克敵

賜號古英巴圖魯癸丑正月

太祖親征烏拉旣攻克遜扎塔郭爾多鄂謨三城布占泰率兵三萬越富勒哈城結營諸將皆欲戰

太祖曰征伐大國豈能遽使無子遺乎代善率諸將奏言我士飽馬騰利速戰所慮者布占泰不出耳今彼旣出平原廣野可一鼓擒也舍不戰厲兵秣馬何爲

太祖曰我仰荷

天眷雖遇勁敵無不單騎突陣斬將搃旗今何難身先搏戰但恐

爾等或致一二被傷故欲計出萬全爾眾志既孚即可決戰因命進烏拉兵亦出陣距百步許代善隨

太祖臨陣奮戰大破之遂克其城代善邀擊潰眾殪過半布占泰竄集赫所屬城邑皆降編戶萬家丙辰

太祖建元天命封代善及舒爾哈齊長子阿敏

太祖第五子莽古爾泰與

太宗文皇帝並爲和碩貝勒國中稱代善爲大貝勒阿敏爲二貝勒莽古爾泰爲三貝勒

太宗文皇帝爲四貝勒天命三年四月

上以七大恨告

天興師證明行二日雨欲旋師代善曰我與明和久矣因其不道故興師今既臨境若遽旋將與明復修好乎抑相讐怨乎興兵之名安能隱之天雖雨吾軍士皆有製衣弓矢亦有備雨具何慮霖淫且天降此雨以解明邊將心使吾進兵出其不意耳是雨利我不利彼也

上曰善夜將半遂進霽月出分隊馳昧爽圍撫順城明遊擊李永芳以城降東州瑪哈丹二城及臺堡寨五百餘皆下攜降眾以還既出明邊二十里聞明總兵張承廕等率兵萬來追代善同

四貝勒返戰

上遣巴克什額爾德尼

諭止之代善駐兵於邊令復奏曰彼若待我我則與戰若不待是必走矣當乘勢追襲無使我兵寂然歸致謂怯也

上然之亦移師入邊破其三營斬承廕及副將頗廷相參將蒲世芳遊擊梁汝貴等四年正月

命率大臣十六兵五千守扎喀關以防明來侵尋撤還三月朔偵明兵四萬出寬甸侵我南路六萬出撫順侵我西路

上以南路有兵五百駐防

親出禦西路

命代善前行偵者又告明兵六萬出清河路代善曰清河界道仄崎嶇未能驟至當先禦撫順兵遂與侍衛扈爾漢等過扎喀關

四貝勒以祀事後至言界藩山上有築城夫役宜急衛之代善方進兵太蘭岡欲設伏待敵從

四貝勒言直趨界藩見明兵攻吉林崖者約二萬又一軍列薩爾澹山與阿敏莽古爾泰及諸將議曰吉林崖衛夫役兵僅四百急增千人助之俾登山馳下衝擊以右翼兵夾攻之敵眾在薩爾澹山者以左翼兵當之遂遣千人往吉林崖

上至

詢知

諭分右翼二旗兵與左翼四旗兵合先破薩爾澹山敵營其夾攻吉林崖之右翼二旗兵仍如議於是合六旗兵趨薩爾澹山明兵

出陣發槍礮我兵仰射之奮力衝擊不移時破其營而前往助吉
林崖兵千人自山下擊右翼二旗兵渡水直前夾攻陣斬明總兵
杜松王宣趙夢麟等是夜明兵別由開原出三岔口者其總兵馬
林率三萬人營尙閒崖監軍道潘宗顏率萬人營斐芬山翌旦
上率

四貝勒擊明遊擊龔念遂李希泌兵一萬於斡琿鄂謨代善以三
百餘騎馳至尙閒崖見林結方營掘濠三市濠外火器兵居前繼
列騎宗顏軍其西三里卽馳騎告時

上已破念遂等不待

四貝勒收兵

親臨尙閒崖傳令士皆下馬步戰左翼二旗兵下者方四五十人
明兵已自西突至代善告敵至卽躍馬直入陣眾軍奮進斬獲過
半翌日

上駐蹕界藩代善請以二十騎先歸都城探南路敵遠近

上亦於是夜還都城代善奉

命偕諸貝勒統先至軍士禦明總兵劉綎甫出瓦爾喀什窩集見
綎兵至阿布達哩岡

四貝勒以右翼兵登山代善以左翼兵出其西夾攻之明兵大潰
綎沒於陣旋收降助明之朝鮮將士以還七月從

上攻克明鐵嶺城敗助明之蒙古兵八月

上親征葉赫圍其貝勒錦台什所居東城代善同眾貝勒圍其貝勒布揚古所居西城東城下布揚古及其弟布爾杭古大懼乞盟代善諭降之葉赫遂平六年三月

上親征明瀋陽

四貝勒先敗明總兵李秉誠朱萬良姜弼等代善偕其長子台吉岳託追四十里斬馘甚眾七月鎮江城降將陳良策叛投明總兵毛文龍

上命同莽古爾泰遷金州民於復州十一年八月

太祖龍馭上賓岳託偕弟台吉薩哈璘議以告父代善曰

四貝勒才德冠世深契

先帝聖心眾皆悅服當嗣大位代善曰此吾素志也

天人允協其誰不從代善告阿敏莽古爾泰及眾貝勒皆曰善遂

合詞請

太宗文皇帝嗣位

太宗文皇帝讓再三代善言益懇切眾議亦堅乃從之十月征蒙古喀爾喀扎嚕特部擒貝勒巴克與其二子及岱青多爾濟拉什希布桑阿爾齊等斬貝勒鄂爾齊圖俘其屬戶而還天聰元年五月從

上圍明錦州聞明兵自山海關來援迎擊之遂薄甯遠城殪敵無算因溽暑班師三年十月從

上征明入洪山口克遵化趨京城北土城關之東駐營明大同總兵滿桂宣府總兵侯世祿率援兵至德勝門敗之十二月攻克夏鄉還破敵永定門南遂從

上閱薊州形勢明兵五千自山海關至距城二里許與我遇遂立營環列車楯槍礮代善麾左翼四旗護軍攻其東破之四年正月明兵部侍郎劉之綸以兵至遵化登山營代善率眾環圍之招之綸降不從遂攻破其七營之綸遁巖中爲我軍射殪擒遊擊守備各一五年三月

命諸貝勒直言時政代善奏曰刑罰不中民有怨言由讞獄之不得人宜選易之八月從

國朝書牘類傳卷之三
上圍明大凌河城正紅旗圍西北代善軍爲策應城外守臺明兵
害我遊牧十人掠駝馬去代善同貝勒濟爾哈朗等以礮攻克其
臺畱兵守九月明監軍道張春總兵吳襄等率兵四萬自錦州來
援距城十五里代善從

上統兵二萬往擊至則敵已陣槍礮齊發聲震天地我騎縱橫馳
突飛矢如雨敵敗卻襄及其副將桑阿爾濟遁春等復收潰眾立
營黑雲起大風自西來敵乘風縱火勢甚熾將偪我軍天忽雨反
風敵營燬死者甚眾我軍合攻之陣斬副將張吉甫滿庫王之散
生擒春及副將張洪謨等春見

上不跪

上欲誅之代善奏曰前所俘無不收養此人欲以死成名柰何殺之以遂其志

上赦春先是天命六年二月

太祖命代善阿敏莽古爾泰同

太宗分月直佐理事及天聰三年正月

太宗以諸兄宜節勞

諭以弟姪代直每

御殿

命代善阿敏莽古爾泰列坐左右不令下坐至是禮部參政李伯龍請定朝會班次儀制下諸貝勒會議謂莽古爾泰不可並坐代

國朝書牘類從初編 卷首之三
善言我等奉

上居大位仍並列坐甚非心所安請

上南面中坐我與莽古爾泰侍坐於側外國蒙古諸貝勒坐我等
下眾皆曰善遂定議六年五月從

上征察哈爾行二旬過興安嶺聞林丹汗遁移師趨歸化城入明
大同宣府境以書示沙河堡得勝堡張家口諸守將議和而還八
年五月從

上征明出榆林口至宣府境分兵自喀喇鄂博攻克得勝堡遂由
朔州趨馬邑八月會大軍於大同以俘獲獻

御營而還崇德元年四月晉封和碩兄禮親王十二月從

上征朝鮮降國王李倬二年二月班師七月因征朝鮮時違

旨以所獲糧飼馬及選護衛溢額等事集諸王貝勒貝子大臣等
諭曰朕於兄禮親王極愛敬何竟不體朕意又

諭曰王等於朕雖盡恭敬朕亦不喜必須正身行義相輔佐朕始
嘉賴焉三年二月

上親征喀爾喀王與鄭親王濟爾哈朗等畱守十二月以失朝自
檢舉部議罰鍰

上免之四年十一月從

上獵於葉赫至英格布占王射麋馬仆傷足

上見之馳下馬